

# ॥ तैत्तिरीय आरण्यकम् ॥

## ॥ चतुर्थः प्रश्नः ॥

नमो वाचे या चौदिता या चानुदिता तस्यै वाचे नमो वाचे नमो वाचस्पतये नम  
ऋषिभ्यो मत्रकृद्यो मत्रपतिभ्यो मा मामृषयो मत्रकृतो मत्रपतयः परादुर्महमृषीन्मत्रकृतो  
मत्रपतीन्परांदां वैश्वदेवीं वाचमुद्यासः शिवामदस्तां जुष्टां देवेभ्यः शर्म मे द्यौः शर्म  
पृथिवी शर्म विश्वमिदं जगत्। शर्म चन्द्रश्च सूर्यश्च शर्म ब्रह्मप्रजापती। भूतं वंदिष्ये  
भुवनं वंदिष्ये तेजो वंदिष्ये यशो वंदिष्ये तपो वंदिष्ये ब्रह्म वंदिष्ये सत्यं वंदिष्ये तस्मा  
अहमिदमुपस्तरणमुपस्तृण उपस्तरणं मे प्रजायै पशूनां भूयादुपस्तरणमुहं प्रजायै पशूनां  
भूयासं प्राणापानौ मृत्योर्मा पातुं प्राणापानौ मा मा हासिष्टं मधुं मनिष्ये मधुं जनिष्ये मधुं  
वक्ष्यामि मधुं वंदिष्यामि मधुमर्तो देवेभ्यो वाचमुद्यासः शुश्रूषेण्यां मनुष्यैभ्युस्तं मा देवा  
अंवन्तु शोभायै पितरोऽनुमदन्तु। ॐ शान्तिः शान्तिः शान्तिः॥

नमो वाचे या चौदिता या चानुदिता तस्यै वाचे नमो वाचे नमो वाचस्पतये नम  
ऋषिभ्यो मत्रकृद्यो मत्रपतिभ्यो मा मामृषयो मत्रकृतो मत्रपतयः परादुर्महमृषीन्मत्रकृतो  
मत्रपतीन्परांदां वैश्वदेवीं वाचमुद्यासः शिवामदस्तां जुष्टां देवेभ्यः शर्म मे द्यौः शर्म  
पृथिवी शर्म विश्वमिदं जगत्। शर्म चन्द्रश्च सूर्यश्च शर्म ब्रह्मप्रजापती। भूतं वंदिष्ये  
भुवनं वंदिष्ये तेजो वंदिष्ये यशो वंदिष्ये तपो वंदिष्ये ब्रह्म वंदिष्ये सत्यं वंदिष्ये तस्मा  
अहमिदमुपस्तरणमुपस्तृण उपस्तरणं मे प्रजायै पशूनां भूयादुपस्तरणमुहं प्रजायै पशूनां  
भूयासं प्राणापानौ मृत्योर्मा पातुं प्राणापानौ मा मा हासिष्टं मधुं मनिष्ये मधुं जनिष्ये मधुं  
वक्ष्यामि मधुं वंदिष्यामि मधुमर्तो देवेभ्यो वाचमुद्यासः शुश्रूषेण्यां मनुष्यैभ्युस्तं मा देवा  
अंवन्तु शोभायै पितरोऽनुमदन्तु॥१॥

[१]

युञ्जते मनं उत युञ्जते धियः। विप्रा विप्रस्य बृहतो विपक्षितः। वि होत्रा दधे वयुनाविदेक  
इत्। मही देवस्य सवितुः परिष्टुतिः। देवस्य त्वा सवितुः प्रसवे। अश्विनोर्बहुभ्यांम्। पूषो  
हस्तांभ्युमाददे। अभिरसि नारिरसि। अव्यक्तदेवेभ्यः। उत्तिष्ठ ब्रह्मणस्पते॥२॥

देवयन्तस्त्वेमहे। उप प्रयन्तु मुरुतः सुदानवः। इन्द्रं प्राशूर्भवा सचाँ। प्रैतु ब्रह्मणस्पतिः।

प्र देव्येतु सूनृतां। अच्छां वीरं नर्यं पङ्किरांधसम्। देवा यज्ञं नयन्तु नः। देवीं द्यावापृथिवीं  
अनु मे मःसाधाम्। क्रृद्यासंमद्या। मुखस्य शिरः॥३॥

मखायं त्वा। मुखस्य त्वा शीर्षो। इयत्यग्रं आसीः। क्रृद्यासंमद्या। मुखस्य शिरः।  
मखायं त्वा। मुखस्य त्वा शीर्षो। देवीर्विमीरस्य भूतस्य प्रथमजा क्रतावरीः। क्रृद्यासंमद्या।  
मुखस्य शिरः॥४॥

मखायं त्वा। मुखस्य त्वा शीर्षो। इन्द्रस्यौजोऽसि। क्रृद्यासंमद्या। मुखस्य शिरः।  
मखायं त्वा। मुखस्य त्वा शीर्षो। अग्निजा असि प्रजापते रेतः। क्रृद्यासंमद्या। मुखस्य  
शिरः॥५॥

मखायं त्वा। मुखस्य त्वा शीर्षो। आयुर्धेहि प्राणं धेहि। अपानं धेहि व्यानं धेहि।  
चक्षुर्धेहि श्रोत्रं धेहि। मनो धेहि वाचं धेहि। आत्मानं धेहि प्रतिष्ठां धेहि। मां धेहि मयि  
धेहि। मधुं त्वा मधुला करोतु। मुखस्य शिरोऽसि॥६॥

यज्ञस्य पदे स्थः। गायत्रेण त्वा छन्दसा करोमि। त्रैष्टुभेन त्वा छन्दसा करोमि।  
जागतेन त्वा छन्दसा करोमि। मुखस्य रासाऽसि। अदितिस्ते बिलं गृह्णातु। पाङ्गोनु  
छन्दसा। सूर्यस्य हरसा श्राय। मुखोऽसि॥७॥

पते शिरं क्रतावरीः क्रृद्यासंमद्या मुखस्य शिरः शिरः शिरोऽसि नवं च॥६॥ [२]

वृष्णो अश्वस्य निष्पदंसि। वरुणस्त्वा धृतब्रतं आधूपयतु। मित्रावरुणयोर्धुवेण धर्मणा।  
अर्चिषे त्वा। शोचिषे त्वा। ज्योतिषे त्वा। तपसे त्वा। अभीमं मंहिना दिवम्। मित्रो बंभव  
सुप्रथाः। उत श्रवसा पृथिवीम्॥८॥

मित्रस्य चरपणीधृतः। श्रवो देवस्य सानुसिम्। द्युम्नं चित्रश्रवस्तमम्। सिध्यै त्वा।  
देवस्त्वां सवितोद्वपतु। सुपाणिः स्वज्ञुरिः। सुबाहुरुत शक्त्यां। अपेद्यमानः पृथिव्याम्। आशा  
दिश् आ पृण। उत्तिष्ठ बृहन्मंव॥९॥

कुर्वस्तिष्ठद्ववस्त्वम्। सूर्यस्य त्वा चक्षुषाऽर्वक्षो। क्रृजवे त्वा। साधवे त्वा। सुक्षित्यै  
त्वा भूत्यै त्वा। इदमुमुमुष्यायुं विशा पश्चिम्ब्रह्मवर्चसेन पर्योहामि। गायत्रेण त्वा  
छन्दसाऽच्छृणद्वि। त्रैष्टुभेन त्वा छन्दसाऽच्छृणद्वि। जागतेन त्वा छन्दसाऽच्छृणद्वि।  
छृणतु त्वा वाक्। छृणतु त्वा त्वोर्क्। छृणतु त्वा हृविः। छृन्धि वाचम्। छृन्धि

हविः। देवं पुरश्चर सुग्ध्यास॑ त्वा॥१०॥

पृथिवीं भूत् वाग्द्वृ॥३॥

[३]

ब्रह्मन् प्रवर्ग्येण प्रचरिष्यामः। होतर्धर्ममभिष्टुहि। अग्नीद्रौहिंणौ पुरोडाशावधिश्रय। प्रतिप्रस्थातर्विहंरा। प्रस्तोतः सामानि गाय। यजुर्युक्त॑ सामंभिराक्तंखन्त्वा। विश्वैर्द्वैरनुमतं मरुद्विः। दक्षिणाभिः प्रतंतं पारयिष्णुम्। स्तुभो वहन्तु सुमनुस्यमानम्। स नो रुचं धेह्यहृणीयमानः। भूर्भुवः सुवः। ओमिन्द्रवन्तः प्रचरत॥११॥

अहणीयमानो दे च॥१॥

[४]

ब्रह्मन्प्रचरिष्यामः। होतर्धर्ममभिष्टुहि। यमाय त्वा मखाय त्वा। सूर्यस्य हरसे त्वा। प्राणाय स्वाहा॑ व्यानाय स्वाहा॑ऽपानाय स्वाहा॑। चक्षुषे स्वाहा॑ श्रोत्राय स्वाहा॑। मनसे स्वाहा॑ वाचे सरस्वत्यै स्वाहा॑। दक्षाय स्वाहा॑ क्रतव्ये स्वाहा॑। ओजसे स्वाहा॑ बलाय स्वाहा॑। देवस्त्वा॑ सविता मध्वा॑ऽनक्तु॥१२॥

पृथिवीं तपसम्भायस्व। अर्चिरसि शोचिरसि ज्योतिरसि तपोऽसि। सःसीदस्व महा॑ असि। शोचस्व देववीतमः। विधूममग्ने अरुषं मियेष्य। सृज प्रशस्तदरश्तुतम्। अञ्जन्ति यं प्रथयन्तो न विप्राः। वुपावन्तं नाग्निना॑ तपन्तः। पितुर्न पुत्र उपसि॑ प्रेष्ठः। आ घर्मो अग्निमृतयन्नसादीत्॥१३॥

अनादृष्या पुरस्तात्। अग्नेराधिपत्ये। आयुर्मे दाः। पुत्रवंती दक्षिणतः। इन्द्रस्याऽधिपत्ये। प्रजां मै दाः। सुषदा॑ पश्चात्। देवस्य सवितुराधिपत्ये। प्राणं मै दाः। आश्रुतिरुत्तरतः॥१४॥

मित्रावरुणयोराधिपत्ये। श्रोत्रं मै दाः। विधृतिरुपरिष्टात्। बृहस्पतेराधिपत्ये। ब्रह्म मै दाः। क्षत्रं मै दाः। तेजो॑ मै धा॑ वचो॑ मै धाः। यशो॑ मै धास्तप॑ मै धाः। मनो॑ मै धाः। मनोरश्वा॑ऽसि॑ भूरिपुत्रा। विश्वाभ्यो मा नाष्टाभ्यः पाहि॥१५॥

सूपसदा॑ मै भूया॑ मा मा॑ हि॑सीः। तपोष्वग्ने अन्तरा॑ अमित्रान्। तपाशः॑ संमरुषः॑ परस्य। तपावसो चिकितानो अचित्तान्। वि ते॑ तिष्ठन्तामजरा॑ अयासः। चितः॑ स्थ परिचितः। स्वाहा॑ मरुद्विः परिश्रयस्व। मा असि॑ प्रमा असि॑ प्रतिमा असि॑॥१६॥

सुम्मा असि॑। विमा असि॑। उन्मा असि॑। अन्तरिक्षस्यान्तर्धिरसि॑। दिवं तपसम्भायस्व। आभिर्गम्भिर्यदतो न ऊनम्। आप्यायय हरिवो॑ वर्धमानः। यदा स्तोतूभ्यो॑ महि॑ गोत्रा

रुजासि॑ भूयिष्ठभाजो॒ अर्धं॒ ते॒ स्यामा॑। शुक्रं॒ ते॒ अन्यद्यंजुतं॒ ते॒ अन्यत्॥१७॥

विषुरूपे॑ अहंनी॒ द्यौरिवासि॑। विश्वा॒ हि॒ माया॑ अर्वसि॑ स्वधावः। भूद्रा॑ ते॒ पूषन्निह॑ रातिरस्तु॑। अरहैन्बिभर्षि॑ सायंकानि॑ धन्वा॑। अरहै॑ निष्कं॑ यंजतं॑ विश्वरूपम्। अरहै॑ निदन्देयसे॑ विश्वमधुवम्। न वा॑ ओर्जीयो॑ रुद्र॑ त्वदस्ति॑। गायुत्रमसि॑। त्रैष्टुभमसि॑। जागंतमसि॑। मधु॑ मधु॑ मधु॑॥१८॥

अनुक्तसादीदुत्तरः पाहि प्रतिमा असि यजुतते अन्यज्ञागतमस्येकं च॥७॥

[५]

दश॑ प्राचीर्दश॑ भासि॑ दक्षिणा॑। दश॑ प्रतीचीर्दश॑ भास्युदौचीः। दशोर्ध्वा॑ भासि॑ सुमनस्यमानः। स नो॑ रुच॑ धेह्यहैर्णीयमानः। अग्निष्ठा॑ वसुंभिः॑ पुरस्तांद्रोचयतु॑ गायुत्रेण॑ छन्दसा॑। स मां॑ रुचितो॑ रोचय। इन्द्रस्त्वा॑ रुद्रैर्दक्षिण॒तो॑ रोचयतु॑ त्रैष्टुभेनु॑ छन्दसा॑। स मां॑ रुचितो॑ रोचय। वरुणस्त्वादित्यैः॑ पश्चाद्रोचयतु॑ जागतेनु॑ छन्दसा॑। स मां॑ रुचितो॑ रोचय॥१९॥

द्युतानस्त्वा॑ मारुतो॑ मरुद्धिरुत्तरतो॑ रोचयत्वाऽनुष्टुभेनु॑ छन्दसा॑। स मां॑ रुचितो॑ रोचय। बृहस्पतिस्त्वा॑ विश्वदेवैरुपरिष्टाद्रोचयतु॑ पाङ्गेनु॑ छन्दसा॑। स मां॑ रुचितो॑ रोचय। रोचितस्त्वं॑ देवै॑ धर्म॑ देवेष्वसि॑। रोचिषीयाहं॑ मनुष्येषु। सम्रांश्वर्म॑ रुचितस्त्वं॑ देवेष्वायुष्माङ्ः॑स्तेजुस्वी॑ ब्रह्मवर्चस्यसि॑। रुचितोऽहं॑ मनुष्येष्वायुष्माङ्ः॑स्तेजुस्वी॑ ब्रह्मवर्चसी॑ भूयासम्। रुग्सि॑। रुच॑ मयि॑ धेहि॥२०॥

मयि॑ रुक्। दश॑ पुरस्तांद्रोचसे। दश॑ दक्षिणा॑। दश॑ प्रत्यङ्ग॑। दशोदङ्ग॑। दशोर्ध्वे॑ भासि॑ सुमनस्यमानः। स नः॑ सम्राडिष्मूर्ज॑ धेहि। वाजी॑ वाजिनै॑ पवस्व। रोचितो॑ घर्मो॑ रुचीय॥२१॥

गृचय॑ धेहि॑ नवं॑ च॥३॥

[६]

अपश्यं॑ गोपामनिपद्यमानम्। आ च॑ परा॑ च॑ पथिभिश्वरन्तम्। स॑ सधीचीः॑ स॑ विषुचीर्वसानः। आ वरीवर्ति॑ भुवनेष्वन्तः। अत्र॑ प्रावीः। मधु॑ माधौचीभ्यां॑ मधु॑ माधौचीभ्याम्। अनु॑ वां॑ देववीतये। समुग्निरुग्निना॑ गत। सं॑ देवेन॑ सवित्रा। सं॑ सूर्येण॑ रोचते॥२२॥

स्वाहा॑ समुग्निस्तप्तसा॑ गत। सं॑ देवेन॑ सवित्रा। सं॑ सूर्येण॑ रोचिष्ट। धर्ता॑ दिवो॑ विभासि॑ रजसः। पृथिव्या॑ धूर्ता॑। उरोरुन्तरिक्षस्य॑ धूर्ता॑। धूर्ता॑ देवो॑ देवानाम्। अमर्त्यस्तपोजाः। हृदे॑ त्वा॑ मनसे॑ त्वा॑। दिवे॑ त्वा॑ सूर्याय॑ त्वा॑॥२३॥

ऊर्ध्वमिममध्वरं कृप्ति। दिवि देवेषु होत्रा यच्छ। विश्वांसां भुवां पते। विश्वस्य भुवनस्पते। विश्वस्य मनसस्पते। विश्वस्य वचसस्पते। विश्वस्य तपसस्पते। विश्वस्य ब्रह्मणस्पते। देवशूस्त्वं दैव घर्म देवान्पाहि। तुपोजां वाचमस्मे नियच्छ देवायुवम्॥२४॥

गर्भो देवानाम्। पिता मतीनाम्। पतिः प्रजानाम्। मतिः कवीनाम्। सं देवो देवेन सवित्रा यतिष्ठ। स॒ सूर्येणारुक्त। आयुर्दास्त्वमस्मभ्यं घर्म वर्चोदा असि। पिता नौऽसि पिता नौ बोध। आयुर्धास्त्वनूधः पंयोधः। वर्चोदा वरिवेदा द्रविणोदाः॥२५॥

अन्तरिक्षप्र उरोर्वरीयान्। अशीमहि त्वा मा मा हि॒सीः। त्वमग्ने गृहपतिर्विशामसि। विश्वांसां मानुषीणाम्। श॒तं पूर्भिर्यविष्ठ पाह्य॒हसः। समेद्वार॑ श॒त॑ हिमाः। तुन्द्रविष्ठ॑ हार्दिवानम्। इहैव रातयः सन्तु। त्वैर्णमती ते सपेय। सुरेता रेतो धाना। वीरं विदेय॑ तवं सन्दृशि। माऽह॑ रायस्पोषेण वि योषम्॥२६॥

गेतुते सूर्यो त्वा देवायुवं द्रविणोदा धाना द्वे च॥५॥

[७]

देवस्य त्वा सवितुः प्रसुवे। अश्विनोर्बुभ्याम्। पूष्णो हस्ताभ्यामाददे। अदित्यै रास्तासि। इडु एहि। अदितु एहि। सरस्वत्येहि। असावेहि। असावेहि। असावेहि॥२७॥

अदित्या उष्णीषमसि। वायुरस्यैडः। पूषा त्वोपावसृजतु। अश्विभ्यां प्रदापय। यस्ते स्तनः शशयो यो मयोभूः। येन विश्वा पुष्यसि वार्याणि। यो रत्नधा वसुविद्यः सुदत्रः। सरस्वति तमिह धातवेकः। उम्म घर्म॑ शिर॑षा। उम्म घर्म पाहि॥२८॥

घर्माय शिर॑षा। बृहस्पतिस्त्वोपसीदतु। दानवः स्थु पेरवः। विष्वगृतो लोहितेन। अश्विभ्यां पिन्वस्व। सरस्वत्यै पिन्वस्व। पूष्णो पिन्वस्व। बृहस्पतयै पिन्वस्व। इन्द्राय पिन्वस्व। इन्द्राय पिन्वस्व॥२९॥

गायत्रोऽसि। त्रैष्टुभोऽसि। जागतमसि। सहोर्जो भागेनोपमेहि। इन्द्राश्विना मधुनः सारघस्यां घर्म पात वसवो यजता वट। स्वाहा॑ त्वा सूर्यस्य रश्मयै वृष्टिवनये जुहोमि। मधुं हविरसि। सूर्यस्य तपस्तप। द्यावापृथिवीभ्या॑ त्वा परिगृह्णामि॥३०॥

अन्तरिक्षेन त्वोपयच्छामि। देवानां त्वा पितृणामनुमतो भर्तु॑ शकेयम। तेजोऽसि। तेजोऽनु प्रेहि। दिविस्पृङ्गा मा हि॒सीः। अन्तरिक्षस्पृङ्गा मा हि॒सीः। पृथिविस्पृङ्गा मा हि॒सीः। सुवरसि सुवर्मे यच्छ। दिव यच्छ दिवो मा पाहि॥३१॥

एहि पाहि पिन्वस्व गृह्णामि नवं च॥५॥

[८]

सुमुद्राय त्वा वाताय स्वाहा०। सुलिलाय त्वा वाताय स्वाहा०। अनाधृष्याय त्वा वाताय स्वाहा०। अप्रतिधृष्याय त्वा वाताय स्वाहा०। अवस्यवै त्वा वाताय स्वाहा०। दुवस्वते त्वा वाताय स्वाहा०। शिर्मिद्वते त्वा वाताय स्वाहा०। अग्रये त्वा वसुमते स्वाहा०। सोमाय त्वा रुद्रवते स्वाहा०। वरुणाय त्वाऽऽदित्यवते स्वाहा०॥३२॥

बृहस्पतये त्वा विश्वदेव्यावते स्वाहा०। सुवित्रे त्वर्भुमते विभुमते प्रभुमते वाजंवते स्वाहा०। यमाय त्वाऽङ्गिरस्वते पितृमते स्वाहा०। विश्वा आशा॑ दक्षिणसत्। विश्वा॑ देवानयाडिह। स्वाहा॑कृतस्य घर्मस्य। मध्यै॒ पिबतमश्विना। स्वाहा॑ग्रये यज्ञियांय। शं यज्जुर्भिः। अश्विना घर्म पात॑ ग हार्दिवानम्॥३३॥

अहर्दिवाभिरुतिभिः। अनु॑ वां द्यावापृथिवी म॑साताम्। स्वाहेन्द्राय। स्वाहेन्द्रावट। घर्ममपातमश्विना हार्दिवानम्। अहर्दिवाभिरुतिभिः। अनु॑ वां द्यावापृथिवी अंम॑साताम्। तं प्राव्य॑ यथा॑ वट। नमो॑ दिवे। नमः॑ पृथिव्यै॥३४॥

दिवि धां इमं यज्ञम्। यज्ञमिमं दिवि धाँ। दिवं गच्छ। अन्तरिक्षं गच्छ। पृथिवी॑ गच्छ। पश्चं प्रदिशो॑ गच्छ। देवान्यर्मपान्यच्छ। पितृन्यर्मपान्यच्छ॥३५॥

आदित्यवते स्वाहा॑ हार्दिवानं पृथिव्या॑ अस्तु च॥४॥

इषे पौपिहि। ऊर्जे॑ पौपिहि। ब्रह्मणे॑ पौपिहि। क्षत्राय॑ पौपिहि। अन्नः॑ पौपिहि। ओषधीभ्यः॑ पौपिहि। वनुस्पतिभ्यः॑ पौपिहि। द्यावापृथिवीभ्या॑ पौपिहि। सुभूताय॑ पौपिहि। ब्रह्मवर्चसाय॑ पौपिहि॥३६॥

यज्ञमानाय पौपिहि। मह्यं॑ ज्येष्ठाय॑ पौपिहि। त्विष्यै॑ त्वा। द्युम्नाय॑ त्वा। इन्द्रियाय॑ त्वा॑ भूत्यै॑ त्वा। धर्माऽसि॑ सुधर्मा॑ मै॑ न्युस्मे। ब्रह्माणि॑ धारय। क्षत्राणि॑ धारय। विश्वं॑ धारय। नेत्वा॑ वातः॑ स्कुन्दयांत्॥३७॥

अमुष्य॑ त्वा प्राणे॑ सादयामि। अमुनां॑ सह॑ निरर्थं गच्छ। यो॑ऽस्मान्देष्टि। यं चं वयं द्विष्मः। पूष्णे॑ शरसे॑ स्वाहा०। ग्रावभ्यः॑ स्वाहा०। प्रतिरेभ्यः॑ स्वाहा०। द्यावापृथिवीभ्याऽु॑ स्वाहा०। पितृभ्यो॑ घर्मपेभ्यः॑ स्वाहा०। रुद्राय॑ रुद्रहोत्रे॑ स्वाहा०॥३८॥

अहृज्योतिः॑ केतुना॑ जुषताम्। सुज्योतिज्योतिषाऽु॑ स्वाहा०। रात्रिज्योतिः॑ केतुना॑ जुषताम्। सुज्योतिज्योतिषाऽु॑ स्वाहा०। अर्पोपरो॑ माऽहो॑ रात्रियै॑ मा पाहि। एषा॑ तै॑

[९]

अग्ने सुमित्। तया समिध्यस्व। आयुर्मे दाः। वर्चसा माझीः। अपीपरो मा रात्रिया अहो  
मा पाहि॥३९॥

एषा ते अग्ने सुमित्। तया समिध्यस्व। आयुर्मे दाः। वर्चसा माझीः।  
अग्निज्योतिज्योतिरग्निः स्वाहा॑॥ सूर्यो ज्योतिज्योतिः सूर्यः स्वाहा॑॥ भूः स्वाहा॑॥  
हुतः हविः। मधुं हविः। इन्द्रतमेऽग्नौ॥४०॥

पिता नोऽसि मा मा हि॒सीः। अश्यामं ते देवघर्म। मधुमतो वाजवतः पितुमतः।  
अग्निरस्वतः स्वधाविनः। अशीमहि॒त्वा मा मा हि॒सीः। स्वाहा॑ त्वा सूर्यस्य रुश्मभ्यः।  
स्वाहा॑ त्वा नक्षत्रभ्यः॥४१॥

ब्रह्मवर्चसाय पीपिहि॒ स्कुन्दर्याद्ब्राय लुद्धोत्ते॒ स्वाहाऽहो॑ मा पाहुग्नी सुत चं॥६॥ [१०]

घर्म या ते दिवि शुक्। या गायुत्रे छन्दसि। या ब्राह्मणे। या हविर्धनैः। तान्तं एतेनाव  
यज्ञे स्वाहा॑। घर्म या तेऽन्तरिक्षे शुक्। या त्रैष्टुमेऽन्दसि। या राजन्यैः। याऽग्नीध्रैः। तान्तं  
एतेनाव यज्ञे स्वाहा॑॥४२॥

घर्म या ते पृथिव्या॑ शुक्। या जागते छन्दसि। या वैश्यैः। या सदसि। तान्तं एतेनाव  
यज्ञे स्वाहा॑। अनुनोऽद्यानुमतिः। अन्विदंनुमते त्वम्। दिवस्त्वा॑ परस्पायाँ॑। अन्तरिक्षस्य  
तुनुवः पाहि। पृथिव्यास्त्वा॑ धर्मणा॥४३॥

वृयमनुक्रामाम सुवितायु॑ नव्यसे। ब्रह्मणस्त्वा॑ परस्पायाँ॑। क्षुत्रस्य तुनुवः पाहि।  
विशस्त्वा॑ धर्मणा। वृयमनुक्रामाम सुवितायु॑ नव्यसे। प्राणस्य त्वा॑ परस्पायै॑। चक्षुषस्तुनुवः  
पाहि। श्रोत्रस्य त्वा॑ धर्मणा। वृयमनुक्रामाम सुवितायु॑ नव्यसे। वृल्पुरसि शं युधायाः॥४४॥

शिशुर्जनंधायाः। शं चृ॒ वक्षि॑ परि॒ चृ॒ वक्षि॑। चतुः॑ सक्तिर्भिरकृतस्य॑। सदौ॑ विश्वायुः॑  
शर्म॑ सुप्रथाँ॑। अप॑ द्वेषो॑ अप॑ हरः। अन्यद्वृतस्य॑ सक्षिमा॑। घर्मेतत्तेऽन्नमेतत्पुरीषम्। तेन॑  
वर्धस्व॑ चाऽऽचं॑ प्यायस्व। वर्धिषीमहि॑ च वृयम्। आ च॑ प्यासिषीमहि॑॥४५॥

रन्तिर्नामासि दिव्यो गन्धर्वः। तस्य॑ ते पद्मद्विर्विर्धानम्॑। अग्निरध्यक्षाः। रुद्रोऽधिपतिः।  
समहमायुषा। सं प्राणेन। सं वर्चसा। सं पयसा। सं गौपत्येन। स॒ रायस्पोषेण॥४६॥

व्यसौ। योऽस्मान्द्वेष्टि। यं च॑ वृयं द्विष्मः। अचिक्रदद्वृषा॑ हरिः। मुहान्मित्रो न दर्शतः।  
स॒ सूर्येण रोचते। चिदसि समुद्रयौनिः। इन्दुर्दक्षः॑ श्येन कृतावा॑। हिरण्यपक्षः॑ शकुनो॑

भुरुण्युः। मुहान्सुधस्थे ध्रुव आनिषत्तः॥४७॥

नमस्ते अस्तु मा मा हि॒सीः। वि॒श्वावंसु॑ सोम गन्धर्वम्। आपौ दृ॒शुर्षाँः। तदृ॒तेनाव्यायन्। तदृ॒न्वैत्। इन्द्रो रारहा॑ण आ॑साम्। परि॑ सूर्यस्य परिधी॑ रूपश्यत्। वि॒श्वावंसुरभि॑ तत्रो गृणातु। दिव्यो गंध॑र्वो रजसो वि॒मानः। यद्वा॑ घा॑ सृत्यमु॒त यन्न वि॒द्य॥४८॥

धियो॑ हिन्वानो धियु॑ इन्नो॑ अव्यात्। सन्निमविन्द्वरणे न॒दीनाम्। अपांवृणोद्दुरो॑ अश्मैव्रजानाम्। प्रासा॑न्नान्धर्वो अ॒मृतानि॑ वोचत्। इन्द्रो॑ दक्षं परिजानादृहीनम्। ए॒तत्त्वं देव धर्म देवो॑ देवानुपांगः। इ॒दमुहं॑ मनुष्यो॑ मनुष्यान्। सोमपीथानुमेहिं॑। सुह प्र॒जया॑ सुह रायस्पोषेण। सुमित्रा॑ न् आप॑ ओषधयः॑ सन्तु॥४९॥

दुर्मित्रास्तस्मै॑ भूयासुः। यौऽस्मान्द्वेष्टि॑। यं च व॒यं द्विष्मः। उद्व॒यं तम॑स्स्परि॑। उद्व॒त्यं चित्रम्। इ॒ममूपुत्यम॑स्मभ्य॑ सुनिम्। गृयुत्रं॑ नर्वीया॑ सम्। अग्ने॑ देवेषु॑ प्रवोचः॥५०॥  
याऽऽग्नेष्वै॑ तान्ते॑ एतेनावं॑ यज्ञे॑ स्वाहा॑ धर्मेणा॑ शु॑ युधायः॑ व्यासिष्ठै॑महि॑ पोषेण॑ निषेत्तो॑ वि॒द्य संत्वृद्यै॥१॥

मृहीनां॑ पयोऽसि॑ विहितं॑ देवत्रा॑। ज्योतिर्भा॑ अ॑सि॑ वन्स्पती॑नामोषधीना॑ रसः। वाजिनं॑ त्वा॑ वाजिनोऽवं॑ नयामः। ऊर्ध्वं॑ मनः॑ सुवर्गम्॥५१॥

[११]

अस्कान्द्यौ॑ पृथिवीम्। अस्कानृष्टभो॑ युवागाः। स्कन्नेमा॑ विश्वा॑ भुवना। स्कन्नो॑ यज्ञः॑ प्रजनयतु। अस्कानज्ञनि॑ प्राज्ञनि॑। आ॑ स्कन्नाङ्गायते॑ वृषाँ। स्कन्नात्॑ प्रजनिषीमहि॑॥५२॥

[१२]

या॑ पुरस्ता॑द्विद्युदापत्तत्। तान्ते॑ ए॒तेनावं॑ यज्ञे॑ स्वाहा॑॥। या॑ दक्षिणतः। या॑ पृश्नात्। योत्तरतः। योपरिष्टाद्विद्युदापत्तत्। तान्ते॑ ए॒तेनावं॑ यज्ञे॑ स्वाहा॑॥५३॥

[१३]

प्राणायु॑ स्वाहा॑ व्यानायु॑ स्वाहा॑पानायु॑ स्वाहा॑। चक्षुषे॑ स्वाहा॑ श्रोत्रायु॑ स्वाहा॑। मनसे॑ स्वाहा॑ वाचे॑ सरस्वत्य॑ स्वाहा॑॥५४॥

[१४]

पूष्णे॑ स्वाहा॑ पूष्णे॑ शरसे॑ स्वाहा॑। पूष्णे॑ प्रपृत्यायु॑ स्वाहा॑ पूष्णे॑ नरन्धिषायु॑ स्वाहा॑। पूष्णे॑ द्वृणये॑ स्वाहा॑ पूष्णे॑ नुरुणायु॑ स्वाहा॑। पूष्णे॑ साकृतायु॑ स्वाहा॑॥५५॥

[१५]

उदस्य शुभ्माद्बानुर्नार्ति बिभर्ति। भारं पृथिवी न भूमा। प्र शुक्रेतुं देवी मनीषा।  
अस्मसुतष्टो रथे न वाजो। अर्चन् एके महि सामंमन्वता। तेन सूर्यमधारयन्।  
तेन सूर्यमरोचयन्। धर्मः शिरस्तदयमग्निः। पुरीषमसि सं प्रियं प्रजयो पुश्मिर्भुवत्।  
प्रजापतिस्त्वा सादयतु। तयो देवतंयाऽङ्गिरस्वद्भुवा सौदा॥५६॥

[१७]

यास्ते अग्न आद्रा योनयो याः कुलायिनीः। ये तै अग्न इन्दवो या उ नाभयः।  
यास्ते अग्ने तनुव ऊर्जो नाम। ताभिस्त्वमुभयीभिः संविदानः। प्रजाभिरग्ने द्रविणेह सौदा।  
प्रजापतिस्त्वा सादयतु। तयो देवतंयाऽङ्गिरस्वद्भुवा सौदा॥५७॥

[१८]

अग्निरसि वैश्वानरोऽसि। संवधसरोऽसि परिवधसरोऽसि। इदावधसरोऽसीदुवधसरोऽसि।  
इद्वधसरोऽसि वधसरोऽसि। तस्य ते वसन्तः शिरः। ग्रीष्मो दक्षिणः पक्षः।  
वरूपाः पुच्छमौ। शरदुत्तरः पक्षः। हेमन्तो मध्यमौ। पूर्वपक्षाश्रितयः। अपरपक्षाः पुरीषम्।  
अहोरात्राणीष्टकाः। तस्य ते मासांश्चार्धमासाश्च कल्पन्ताम्। क्रतवस्ते कल्पन्ताम्।  
संवधसरस्ते कल्पताम्। अहोरात्राणि ते कल्पन्ताम्। एति प्रेति वीति समित्युदिति।  
प्रजापतिस्त्वा सादयतु। तयो देवतंयाऽङ्गिरस्वद्भुवः सौदा॥५८॥

चितंये नवं च॥१॥

[१९]

भूर्भुवः सुवः। ऊर्ध्वं ऊषुणं ऊतयै। ऊर्ध्वो नः पात्यहसः। विधुन्द्राणहसः। समने  
बहूनाम्। युवानहसः। सन्तं पलितो जंगार। देवस्य पश्य काव्यं महित्वाद्या मुमार। सह्यः  
समान। यद्वते चिंदभिश्रिष्ठः। पुरा जुर्तभ्यं आतृदः। सन्धाता सुन्धिं मुघवा पुरोवसुः॥५९॥

निष्कर्ता विहुतं पुनः। पुनरूर्जा सुह रथ्या। मा नौ धर्म व्यथितो विव्यथो नः। मा  
नः परमधरं मा रजोऽनैः। मोष्वस्मा हस्तमस्यन्तरा धौः। मा रुद्रियासो अभिगुर्वृधानः।  
मा नः क्रतुभिरहीडितेभिरस्मान्। द्विषासुनीते मा परां दाः। मा नौ रुद्रो निरक्रतिर्मा नो  
अस्तो। मा द्यावांपृथिवी हीडिषाताम्॥६०॥

उपं नो मित्रावरुणाविहावतम्। अन्वादौध्याथामिह नः सखाया। आदित्यानां  
प्रसितिरहुतिः। उग्रा शतापौष्टा धविषा परि णो वृणकु। इमं मै वरुणं तत्त्वां यामि।  
त्वं नौ अग्ने स त्वं नौ अग्ने। त्वमग्ने अयासि। उद्धयं तमस्स्परि। उदुत्यं चित्रम्। वयः  
सुपुर्णः॥६१॥

[२०]

भूर्मुवः सुवः। मयि त्यदिन्द्रियं मुहत्। मयि दक्षो मयि क्रतुः। मयि धायि सुवीर्यम्। त्रिशुंगधर्मो विभातु मे। आकूत्या मनसा सुह। विराजा ज्योतिषा सुह। यज्ञेन पर्यसा सुह। ब्रह्मणा तेजसा सुह। क्षत्रेण यशसा सुह। सत्येन तपसा सुह। तस्य दोहमशीमहि। तस्य सुम्रमशीमहि। तस्य भक्षमशीमहि। तस्य त इन्द्रेण पीतस्य मधुमतः। उपहूतस्योपहूतो भक्षयामि॥६२॥

वर्णसा सुह पद्म॥१॥

[२१]

यास्ते अग्ने घोरास्तुनुवः। क्षुच्च तृष्णा च। असुक्रानाहुतिश्च। अशनया च पिपासा च। सुदिश्चामतिश्च। एतास्ते अग्ने घोरास्तुनुवः। ताभिरुमुं गंच्छ। यौऽस्मान्देष्टि। यं च वृयं द्विष्मः॥६३॥

[२२]

स्त्रिक्क स्त्रीहितिश्च स्त्रीहितिश्च। उष्णा च शीता च। उग्रा च भीमा च। सदाम्री सुदिरनिरा। एतास्ते अग्ने घोरास्तुनुवः। ताभिरुमुं गंच्छ। यौऽस्मान्देष्टि। यं च वृयं द्विष्मः॥६४॥

[२३]

धुनिश्च ध्वनश्च ध्वनश्च ध्वनयश्च। निलिम्पश्च विलिम्पश्च विक्षिपः॥६५॥

[२४]

उग्रश्च धुनिश्च ध्वनश्च ध्वनश्च ध्वनयश्च। सुहसुहाङ्श्च सहमानश्च सहस्वाङ्श्च सहैयाङ्श्च। एत्य प्रेत्य विक्षिपः॥६६॥

[२५]

अुहोरात्रे त्वोर्दीरयताम्। अर्धमासास्त्वोर्दौ जयन्तु। मासास्त्वा श्रपयन्तु। क्रृतवस्त्वा पचन्तु। संवृथसुरस्त्वा हन्त्वसौ॥६७॥

[२६]

खट फइ जुहि। छिन्धी भिन्धी हुन्धी कट। इति वाचः कूराणि॥६८॥

[२७]

विगा इन्द्र विचरन्ध्यपाशयस्व। स्वपन्तमिन्द्र पशुमन्तमिच्छ। वज्रेणामुं बोधय दुर्विदत्रम्। स्वपतोऽस्य प्रहर् भोजनेभ्यः। अग्ने अग्निना संवंदस्व। मृत्यो मृत्युना संवंदस्व। नमस्ते अस्तु भगवः। सृकृते अग्ने नमः। द्विस्ते नमः। त्रिस्ते नमः। चतुस्ते नमः। पञ्चकृत्वस्ते नमः। दशकृत्वस्ते नमः। शतकृत्वस्ते नमः। आसुहसुकृत्वस्ते नमः। अपरिमितकृत्वस्ते नमः। नमस्ते अस्तु मा मा हिंसीः॥६९॥

त्रिस्ते नमः सूम चं॥१॥ [२८]

असृन्मुखो रुधिरेणाव्यक्तः। युमस्य दूतः श्वपद्विधावसि। गृह्णः सुपुणः कुणपु निषेवसे। युमस्य दूतः प्रहितो भुवस्य चोभयोः॥७०॥

यदेतद्वृक्सो भूत्वा वाग्दैव्यभिरायसि। द्विषन्तं मेऽभिराय। तं मृत्यो मृत्यवै नय। स आर्यार्तिमाच्छ्रुतु॥७१॥ [२९]

यदैषितो यदिं वा स्वकामी। भुयेडको वदति वाचमेताम्। तामिन्द्राशी ब्रह्मणा संविदानौ। शिवामुसम्यं कृणुतं गृहेषु॥७२॥ [३०]

दीर्घमुखि दुरहंण। मा स्म दक्षिणतो वंदः। यदिं दक्षिणतो वदाद्विषन्तं मेऽव बाधासै॥७३॥ [३१]

इत्थादुलूकु आपसत्। हिरण्याक्षो अयोमुखः। रक्षसां दूत आगतः। तमितो नाशयाग्ने॥७४॥ [३२]

यदेतद्वृतान्यन्वाविश्य। दैवीं वाचं वदसि। द्विषतौ नः परावद। तान्मृत्यो मृत्यवै नय। त आर्याऽर्तिमाच्छ्रुत्वा। अुग्निनाऽग्निः संवदताम्॥७५॥ [३३]

प्रसार्य सकथ्यौ पतसि। सव्यमक्षिं निपेपि च। मेहकस्य चनाममत्॥७६॥ [३४]

अत्रिणा त्वा किमे हन्मि। कण्वेन जुमदग्निना। विश्वावसोर्ब्रह्मणा हृतः। क्रिर्मीणाऽराजाँ। अप्येषाऽस्थपतिरहृतः। अथौ माताऽथौ पिता। अथौ स्थूरा अथौ क्षुद्राः। अथौ कृष्णा अथौ श्वेताः। अथौ आशातिका हृताः। श्वेताभिः सुह सर्वे हृताः॥७७॥ [३५]

आहुरावद्य। शृतस्य हृविषो यथाौ। तथस्त्यम्। यदमुं युमस्य जम्भयोः। आदधामि तथा हि तत्। खण्फण्मसि॥७८॥ [३६]

[३७]

ब्रह्मणा त्वा शपामि। ब्रह्मणस्त्वा शपथैन् शपामि। घोरेण त्वा भृगूणां चक्षुषां  
प्रेक्षेण। रौद्रेण त्वाङ्गिरसां मनसा ध्यायामि। अघस्यं त्वा धारया विद्यामि। अघरो  
मत्पद्यस्वासौ॥७९॥

[३८]

उत्तुदं शिमिजावरि। तल्पेजे तल्पु उत्तुदा। गिरीः रनु प्रवेशय। मरीचीरुपु सन्तुदा  
यावंदितः पुरस्तादुदयांति सूर्यः। तावंदितोऽमुं नाशय। योऽस्मान्देष्टि। यं च वृयं  
द्विष्पः॥८०॥

[३९]

भूर्भुवः सुवो भूर्भुवः सुवो भूर्भुवः सुवः। भुवौऽद्वायि भुवौऽद्वायि भुवौऽद्वायि। नृम्णायि  
नृम्णं नृम्णायि नृम्णं नृम्णायि नृम्णम्। निधाय्यो वायि निधाय्यो वायि निधाय्यो वायि।  
ए अस्मे अस्मे। सुवर्नं ज्योतीः॥८१॥

[४०]

पृथिवी सुमिता। तामुग्निः समिन्ये। साऽग्निः समिन्ये। तामुहः समिन्ये। सा मा  
समिद्वा। आयुषा तेजसा। वर्चसा श्रिया। यशसा ब्रह्मवर्चसेन। अन्नाद्यैन समिन्ताऽङ्गु स्वाहा॥  
अन्तरिक्षः सुमित्॥८२॥

तां वायुः समिन्ये। सा वायुः समिन्ये। तामुहः समिन्ये। सा मा समिद्वा। आयुषा  
तेजसा। वर्चसा श्रिया। यशसा ब्रह्मवर्चसेन। अन्नाद्यैन समिन्ताऽङ्गु स्वाहा॥ द्यौः सुमिता।  
तामादित्यः समिन्ये॥८३॥

साऽऽदित्यः समिन्ये। तामुहः समिन्ये। सा मा समिद्वा। आयुषा तेजसा। वर्चसा  
श्रिया। यशसा ब्रह्मवर्चसेन। अन्नाद्यैन समिन्ताऽङ्गु स्वाहा॥ प्राजापत्या मै सुमिदसि  
सपलक्षयेणी। भ्रातृव्युहा मैऽसि स्वाहा॥ अग्ने व्रतपते ब्रुतं चरिष्यामि॥८४॥

तच्छकेयं तन्मे राध्यताम्। वायो व्रतपत आदित्य व्रतपते। व्रतानां व्रतपते ब्रुतं  
चरिष्यामि। तच्छकेयं तन्मे राध्यताम्। द्यौः सुमिता। तामादित्यः समिन्ये। साऽऽदित्यः  
समिन्ये। तामुहः समिन्ये। सा मा समिद्वा। आयुषा तेजसा॥८५॥

वर्चसा श्रिया। यशसा ब्रह्मवर्चसेन। अन्नाद्यैन समिन्ताऽङ्गु स्वाहा॥ अन्तरिक्षः सुमिता।  
तां वायुः समिन्ये। सा वायुः समिन्ये। तामुहः समिन्ये। सा मा समिद्वा। आयुषा तेजसा।  
वर्चसा श्रिया॥८६॥

यशसा ब्रह्मवर्चसेनं। अन्नाद्येन समिन्ताऽङ् स्वाहा०। पृथिवी सुमित्। तामुग्रिः समिन्धे। साऽग्रिः समिन्धे। तामुहः समिन्धे। सा मा समिद्धा। आयुषा तेजसा। वर्चसा श्रिया। यशसा ब्रह्मवर्चसेनं॥८७॥

अन्नाद्येन समिन्ताऽङ् स्वाहा०। प्राजापत्या मैं सुमिदसि सपलक्षयणी। भ्रातृव्यहा मैंजसि स्वाहा०। आदित्य व्रतपते व्रतमंचारिषम्। तदशकं तन्मेऽराधि। वायो॒ व्रतपृतेऽग्ने॑ व्रतपते। व्रताना॑ व्रतपते व्रतमंचारिषम्। तदशकं तन्मेऽराधि॥८८॥

सुमिथमिन्धे व्रतं चरिष्याम्यायुषा तेजसा वर्चसा श्रिया यशसा ब्रह्मवर्चसेन्यौ चां॥८॥ [४१]

शं नो वातः पवतां मातुरिश्वा॒ शं नस्तपतु सूर्यः। अहानिंशं भवन्तु नः शः रात्रिः प्रतिधीयताम्। शमुषा नो व्युच्छतु॒ शमादित्य उदैतु नः। शिवा नः शन्तमा भव सुमृडीका सरस्वति। मा ते॒ व्योम सन्दृशि॑। इडायै॒ वास्त्वसि॑ वास्तुमद्वा॑स्तुमन्तो॑ भूयास्मु॑ मा वास्तो॑श्छिथ्स्महवास्तुः॑ स भूयाद्यौऽस्मान्देष्टि॑ यं च वयं द्विष्मः। प्रतिष्ठासि॑ प्रतिष्ठावन्तो॑ भूयास्मु॑ मा प्रतिष्ठाया॑श्छिथ्स्मह्यप्रतिष्ठः। स भूयाद्यौऽस्मान्देष्टि॑ यं च वयं द्विष्मः। आ वात वाहि॑ भेषजं वि॑ वात वाहि॑ यद्रप्यः। त्वः॑ हि॑ विश्वभेषजो॑ देवाना॑ दूत ईयसे। द्वाविमौ वातौ॑ वातु॑ आ सिन्धोरा॑ परावतः॥८९॥

दक्षं मे अन्य आवातु॑ परान्यो वातु॑ यद्रप्यः। यददो वातते गृहैऽमृतस्य निधिरहितः। ततो॑ नो देहि॑ जीवसे॑ ततो॑ नो धेहि॑ भेषजम्। ततो॑ नो॑ महु॑ आवहु॑ वातु॑ आवातु॑ भेषजम्। शम्भूमयोभूर्नो॑ हृदे॑ प्रण आयु॑षि॑ तारिषत्। इन्द्रस्य गृहैऽसि॑ तं त्वा॑ प्रपद्ये॑ सगु॑ साश्वः। सह यन्मे॑ अस्ति॑ तेनां॑ भू॑ प्रपद्ये॑ भुवः। प्रपद्ये॑ सुवः। प्रपद्ये॑ भूर्भुवः। सुवः। प्रपद्ये॑ वायुं प्रपद्ये॑ नार्ता॑ देवतां॑ प्रपद्ये॑ शमानमाखणं॑ प्रपद्ये॑ प्रजापतेर्ब्रह्मकुशं॑ ब्रह्मु॑ प्रपद्ये॑ ओ॑ प्रपद्ये॑। अन्तरिक्षं॑ म उर्वन्तरं॑ बृहदग्रयः। पर्वताश्व यया॑ वातः॑ स्वस्त्या॑ स्वस्तिमान्तया॑ स्वस्त्या॑ स्वस्तिमानंसानि। प्राणापानौ॑ मृत्योर्मा॑ पातं॑ प्राणापानौ॑ मा॑ मा॑ हासिष्ट॑ मर्यि॑ मेधां॑ मर्यि॑ प्रजां॑ मर्युग्रिस्तेजो॑ दधातु॑ मर्यि॑ मेधां॑ मर्यि॑ प्रजां॑ मर्योन्द्र॑ इन्द्रियं॑ दंधातु॑ मर्यि॑ मेधां॑ मर्यि॑ प्रजां॑ मर्यि॑ सूर्यो॑ भ्राजो॑ दधातु॑॥९०॥

द्युभिरुक्तुभिः॑ परिपातमस्मानरिष्टभिरश्विना॑ सोभेगेभिः। तत्रो॑ मित्रो॑ वरुणो॑ मामहन्तामदितिः॑ सिन्धुः॑ पृथिवी॑ उत द्यौः। कया॑ नश्वित्र आ भुवदूती॑ सुदावृथः॑ सखा॑। कया॑ शचिष्या॑ वृता। कस्त्वा॑ सुत्यो॑ मदानां॑ मः॑ हिष्ठो॑ मध्यसुदन्ध्यसः। दृढाचिदारुजे॑ वसु।

अभी पुणः सखीनामविता जरितृणाम्। शतं भवास्यूतिभिः। वयः सुपुर्णा उपसेदुरिन्द्र  
प्रियमेधा ऋषयो नाधमानाः। अपे ष्वान्तमूर्णुहि पूर्धि चक्षुर्मुग्ध्यस्मान्त्रिधयैव बद्धान्॥११॥

शं नो देवीरभिष्टु आपौ भवन्तु पीतये । शं योरभिस्त्रवन्तु नः । ईशाना वार्यणां क्षयन्तीश्वरघणीनाम् । अपो यांचामि भेषजम् । सुमित्रा न आपु ओषधयः सन्तु दुर्मित्रास्तस्मै भूयासुर्योऽस्मान्द्वेष्टि यं च वृयं द्विष्पः । आपु हि षा मयोभुवस्ता न ऊर्जे दधातन । महे रणाय चक्षसे । यो वं शिवतंमो रसस्तस्य भाजयते ह नः । उशतीरिव मातरः । तस्मा अरं गमाम वो यस्य क्षयाय जिन्वथ ॥१२॥

पुरुवतौ दधातु बृद्धां जिन्धय हृषे सुस चाप॥

[४२]

नमो वाचे या चौंदिता या चानुदिता तस्यै वाचे नमो वाचे नमो वाचस्पतये नम  
ऋषिण्यो मन्त्रकृद्यो मन्त्रपतिभ्यो मा मामृषयो मन्त्रकृतो मन्त्रपतयः परादुर्महमृषीन्मन्त्रकृतो  
मन्त्रपतीन्परादां वैश्वदेवीं वाचमुद्यासः शिवामदस्तां जुषां देवेभ्यः शर्म मे द्यौः शर्म  
पृथिवी शर्म विश्वमिदं जगत्। शर्म चन्द्रश्च सूर्यश्च शर्म ब्रह्मप्रजापती। भूतं वंदिष्ये  
भुवनं वंदिष्ये तेजो वंदिष्ये यशो वंदिष्ये तपो वंदिष्ये ब्रह्म वंदिष्ये सत्यं वंदिष्ये तस्मा  
अहमिदमुपस्तरणमुपस्तृण उपस्तरणं मे प्रजायै पशूनां भूयादुपस्तरणमहं प्रजायै पशूनां  
भूयासं प्राणापानौ मृत्योर्मा पातं प्राणापानौ मा मा हासिष्टं मधुं मनिष्ये मधुं जनिष्ये मधुं  
वक्ष्यामि मधुं वंदिष्यामि मधुमर्तीं देवेभ्यो वाचमुद्यासः शुश्रूषेण्यां मनुष्यैभ्यस्तं मा देवा  
अंवन्तु शोभायै पितरोऽनुमदन्तु। ॐ शान्तिः शान्तिः शान्तिः॥

हरिः ॐ॥

इति श्रीकृष्णायजुर्वेदीयतैत्तिरीयारण्यके चतुर्थः प्रश्नः समाप्तः॥